

Элст келджәнә

—Эн июль сарин 25 өдр би йир икәр байрлвв, — гидж пенсионерка Ульяна Сарановна Шалхакова келджәнә.

—Хальмг таньгъчин радиовещанә редакц бурдцжәнә гисн зәнъг сонъслав. Болв кезә, әлк өдр эклдж көдлхинь меджәсн угав. Таньгъчин исполкомин герин өөгүр йовдж йовад, генткн „Элст келджәнә“ гисн урднь таньдг диктор Хошиновин дун сонъсглад одв. Лавта хальмг радио эклдж келджәнә билтәл гидж санад, үкс гигъад, деегшән, 4-ч этажур гарч ирхләм, переселенческ правленә конторт әмтн дүүрәд суучкесн, хальмг радиогъар келджәсиг сонъсджадж. Би бас суугъад, тер улсла хамдан, сүл күртлнь, оньган өгәд сонъсвв.

Кесгәс нааран сонъсглад уга хальмг сүл зәнъг болн урн үг эврәннь келәр сонъсхла, нег үлү, мана таньгъчин нер гарсн артистк Улан Барбаевна Лиджиева дуулсн ду сонъсхла, маш ик байр болв.

Дуунр, кеджәсн көдлмштн йовудта болтха, тадн сәәнәр көдләд, маниг сергәгъад бәәхләтн, бидн көгшрсән мартад, байрлад бәәхвдн, — гидж келәд ур Шалхакова үгән төгскәв.

Б. САНЖАРЫКОВ.

Бичдж авснь.